

JU CENTAR KULTURE I MLADIH

OPĆINE CENTAR SARAJEVO

Mis Irbina 8.

SARAJEVO

-UPRAVNI ODBOR-

P R A V I L A

JU CENTAR KULTURE I MLADIH OPĆINE CENTAR SARAJEVO

Sarajevo, februar 2018.godine

Na osnovu člana 37.Uredbe sa zakonskom snagom o Ustanovama („Službeni list RBiH“ ,br. 6/92, 8/93 i 13/94), na osnovu člana 8.stav 1. i člana 17.stav 2. Odluke o osnivanju Javne ustanove Centar kulture i mladih Općine Centar, („Službene novine Kantona Sarajevo“, broj: 45/17 od 16.11.2017.godine), na osnovu Odluke o izmjenama i dopunama odluke o osnivanju JU Centar kulture i mladih Općine Centar Sarajevo (broj:01-49-196/18, od 25.01.2018.godine) Upravni odbor Javne Ustanove , na sjednici održanoj 15.02.2018.godine, donosi

PRAVILA
JAVNE USTANOVE
CENTAR KULTURE I MLADIH OPĆINE CENTAR SARAJEVO

POGLAVLJE I. OSNOVNE ODREDBE

Član 1.

Ovim Pravilima, kao osnovnom općem aktu Ustanove, uređuju se:

- Naziv i sjedište Ustanove,
- Zastupanje i potpisivanje Ustanove,
- Osnovna djelatnost, finansiranje i sticanje dohotka,
- Organi ustanove,
- Odnos Ustanove prema osnivaču,
- Statusne promjene,
- Nadzor nad poslovanjem Ustanove

Član 2.

Ustanova je javna institucija u državnoj svojini od interesa za Bosnu i Hercegovinu.

Osnivač Ustanove je Općina Centar Sarajevo, ulica Mis Irbina broj 1. (u daljem tekstu: Osnivač)

BiH nastoje približiti kulturni sadržaji naroda bliskih Bosni i Hercegovini odnosno tradicionalno, historijski, susjedski i drugim odnosima vezanih zemalja za BiH i obrnuto.

Član 3.

S obzirom na osnovne djelatnosti, osim konotacije kulturnog subjekta, Ustanova ima karakter uslužno-profitabilne institucije.

Član 4.

U skladu sa zakonskim obavezama prema Osnivaču, Pravilima Ustanove, kao temeljnim općim aktom, pobliže se uređuju odnosi i karakter ove institucije.

POGLAVLJE II. NAZIV I SJEDIŠTE USTANOVE

Član 5.

Puni naziv Ustanove glasi: Javna Ustanova Centar kulture i mladih Općine Centar Sarajevo.

Skraćeni naziv Ustanove je JU CKM.

Na poslovnim prostorijama Ustanove je istaknut naziv Ustanove.

Član 6.

Sjedište Ustanove je u Sarajevu, ulica Mis Irbina broj 8.

Član 7.

Ustanova ima četiri pečata , i to:

- okrugli pečat promjera 30 mm, sa upisanim nazivom Ustanove i brojem 1.,
- okrugli pečat promjera 30 mm, sa upisanim nazivom Ustanove i brojem 2.,
- dva pravougaona pečata dimenzija 50 x 20 mm, sa istim upisanim nazivom Ustanove , brojem i datumom.

Pečatom se može ovjeriti samo onaj sadržaj koji je prethodno potpisalo ovlašteno lice, kao i nalozi za isplatu nakon što su potpisani od ovlaštenih radnika Ustanove.

Član 8.

Za upotrebu pečata odgovoran je i zadužen radnik Ustanove kojeg ovlasti direktor

POGLAVLJE III. ZASTUPANJE I POTPISIVANJE USTANOVE

Član 9.

Ustanovu zastupa i predstavlja direktor.

Član 10.

Direktor Ustanove ima pravo općom i posebnom punomoći prenijeti svoja ovlaštenja za zastupanje Ustanove na druge radnike Ustanove.

Obim i sadržaj punomoći iz prethodnog stava određuje direktor Ustanove.

Član 11.

Direktor je odgovorno lice u pogledu izvršavanja prava i dužnosti vezanih za zastupanje i potpisivanje Ustanove.

Član 12.

Ustanovu ne može niko zastupati niti potpisivati bez pismene punomoći potpisane od strane direktora Ustanove.

Član 13.

Punomoćnik zastupa Ustanovu samo u granicama ovlaštenja iz punomoći.

Član 14.

U skladu sa funkcijom koju obavlja, zamjenik direktora smatra se punomoćnikom po zaposlenju.

POGLAVLJE IV. OSNOVNA DJELATNOST USTANOVE

Član 15.

Ustanova se bavi djelatnošću koja je upisana u sudski registar kao predmet njenog poslovanja.

Član 16.

U okviru svojih djelatnosti, Ustanova se bavi kreiranjem, organizovanjem i realizacijom kulturnih programa na području cijele Bosne i Hercegovine, odnosno u inostranstvu

Član 17.

Shodno Odluci o standardnoj klasifikaciji djelatnosti, osnovna djelatnost Ustanove se ogleda u sljedećem:

59.11 Proizvodnja filmova, video filmova i televizijskog programa

63.12 Internetski portali

63.99 Ostale informacijske uslužne djelatnosti, d.n.

73.12 Oglašavanje putem medija

73.20 Istraživanje tržišta i ispitivanje javnog mnijenja

74.20 Fotografske djelatnosti

85.59 Ostalo obrazovanje i poučavanje, d.n.

90.03 Umjetničko stvaralaštvo

90.04 Rad umjetničkih objekata

93.29 Ostale zabavne i rekreacijske djelatnosti

Član 18.

Ustanova ima svojstvo pravnog lica.

Organizaciona jedinica Jelićeva nema svojstvo pravnog lica, ali čini dio procesa rada u okviru Ustanove, na adresi Jelića broj 1.

Član 19.

Djelatnost Ustanove ostvaruje se na osnovu godišnjeg plana i programa rada.

Upravni odbor dužan je putem nadležne Općinske službe, dostaviti Općinskom vijeću na usvajanje godišnji plan i program rada za narednu godinu najkasnije do 30. oktobra tekuće godine, a izvještaj o radu i finansijski izvještaj, najkasnije 31. marta naredne godine.

POGLAVLJE V. FINANSIRANJE DJELATNOSTI I STICANJE DOHOTKA USTANOVE

Član 20.

(1) Sredstva za rad Ustanove, na temelju godišnjeg programa rada, obezbjeđuju se iz slijedećih izvora:

a) budžeta Osnivača,

b) vlastitih prihoda,

c) drugih izvora u skladu sa članom 39. Uredbe sa zakonskom snagom o Ustanovama („Službeni list RBiH“ , br. 6/92, 8/93 i 13/94),

(2) Ustanova odgovara za svoje obaveze sredstva sa kojima raspolaže

(3) Višak prihoda nad rashodima Ustanova koristi za obnavljanje i razvoj djelatnosti.

(4) Ukoliko Ustanova u svom poslovanju iskaže višak rashoda nad приходima, Upravni odbor je dužan osnivaču podnijeti izvještaj o uzrocima iskazanog gubitka sa prijedlogom mjera za otklanjanje istog, a u skladu sa članom 19. Pravila Ustanove.

Član 21.

S obzirom na osnovnu djelatnost, uz zakonsku mogućnost sticanja prihoda, odnosno dohotka i iz drugih izvora, u Ustanovi se stiču okolnosti za sticanje dohotka i po osnovu:

-pružanja usluga trećim licima u domenu ukupne registrovane djelatnosti,

-izdavanje sopstvenih nekretnina u zakup,

-obavljanja određenih komercijalnih poslova,

-posredničkih provizija,

-donacija i slično...

Član 22.

Tekuće poslovanje Ustanova obavlja preko sopstvenog transakcijskog računa koji se vodi kod nadležne institucije za platni promet.

Član 23.

Poslujući u granicama sopstvene pravne sposobnosti, Ustanova u pravnom prometu odgovara za svoje obaveze ukupnim sredstvima kojima raspolaže, čime je potpuno odgovorna za svoje poslovanje.

Član 24.

Budući da je Ustanova u državnoj svojini, njena sredstva imaju karakter državnog kapitala.

POGLAVLJE VI. ORGANI USTANOVE

Član 25.

Pod organima Ustanove se podrazumijeva organ upravljanja, rukovođenja i nadzorni organ. U Ustanovi s , ovisno od potrebe, mogu formirati i drugi stalni ili ad hoc organi.

Član 26.

Upravni odbor je organ upravljanja Ustanovom.

Član 27.

Upravni odbor Ustanove broji 3 (tri) člana i to:

1 (jedan) član iz reda stručnih radnika ustanove i 2 (dva) člana iz reda predstavnika osnivača.

Članovi Upravnog odbora imenuju se na period od 4 (četiri) godine, sa mogućnošću još jednog imenovanja.

Predsjednika i članove Upravnog odbora, u ime osnivača, imenuje i rješava Općinski načelnik.

Direktor Ustanove ne može biti član Upravnog odbora.

Član 28.

Upravni odbor ima pravo i dužnost da upravlja Ustanovom, a posebno da izražava slijedeće poslove i zadatke:

- a) Donosi pravila Ustanove,
- b) Imenuje i razrješava direktora,
- c) Utvrđuje Godišnji program rada i razvoja,
- d) Donosi finansijski plan i usvaja godišnji obračun
- e) Donosi opći akt o unutrašnjoj organizaciji i sistematizaciji poslova i druge opće akte, u skladu sa zakonom i pravilima Ustanove,

- f) Odlučuje o svim pitanjima obavljanja djelatnosti radi kojih je Ustanova osnovana, ukoliko zakonom ta pitanja nisu u nadležnosti drugih organa ustanove,
- g) Usmjerava, kontroliše i ocjenjuje rad direktora,
- h) Rješava sva pitanja odnosa sa osnivačem,
- i) Odgovara osnivaču za rezultate rada Ustanove,
- j) Odlučuje o korištenju sredstava preko iznosa utvrđenog članom 20. stav 4. ovih Pravila,
- k) Odlučuje o prigovoru radnika na rješenja koje je donio drugi organ u skladu sa pravilima Ustanove,
- l) Podnosi osnivaču najmanje jedanput godišnje pismeni izvještaj o radu i poslovanju Ustanove,
- m) Vršiti druge poslove u skladu sa zakonom i ovim pravilima Ustanove

Član 29.

U odsutnosti i spriječenosti predsjednika Upravnog odbora, članovi Upravnog odbora zajedno sa Ustanovom upućuju zahtjev Općinskom načelniku za imenovanje vršioca dužnosti predsjednika za vrijeme odsustva predsjednika.

Član 30.

Upravni odbor donosi Poslovnik o svom radu, kojim se bliže reguliše rad ovog organa kao i njegov djelokrug rada na sjednicama Upravnog odbora.

Član 31.

Po isteku mandata članovi Upravnog odbora mogu biti ponovo imenovani na tu funkciju, uz ograničenje najviše dva uzastopna mandata.

Član 32.

Organ rukovođenja Ustanovom je direktor.

Član 33.

Direktora Ustanove imenuje Upravni odbor na osnovu konkursa koji se objavljuje u javnim glasilima, uz prethodnu saglasnost Općinskog načelnika u ime osnivača, Direktor Ustanove imenuje se na period od 4 (četiri) godine, sa mogućnošću ponovnog izbora. Lice koje nije dobilo saglasnost općinskog načelnika u ime osnivača za direktora, ne može na ponovnom konkursu biti imenovano za direktora, odnosno vršioca dužnosti direktora. Ako se ne izvrši imenovanje direktora na osnovu konkursa, Upravni odbor će, bez konkursa, imenovati vršioca dužnosti iz reda stručnih radnika zaposlenih u Ustanovi, Vršilac dužnosti direktora može rukovoditi Ustanovom do imenovanja direktora, a najduže 6 (šest) mjeseci od dana njegovog imenovanja, Vršilac dužnosti direktora ima sva prava i dužnosti direktora Ustanove Uslovi za imenovanje direktora utvrđuju se Zakonom i ovim pravilima.

Član 34.

Direktor ima ovlaštenja da predstavlja i zastupa Ustanovu, organizuje i rukovodi radom, zaključuje ugovore i vrši druge pravne poslove u okviru registrovane djelatnosti Ustanove, te odgovara za zakonitost njenog rada.

Član 35.

U ostvarivanju rukovođenja Ustanovom, direktor:

- predlaže Upravnom odboru mjere i efikasno i zakonito obavljanje djelatnosti radi kojih je Ustanova osnovana, unutrašnju organizaciju i sistematizaciju poslova,
- predlaže osnovne planova i razvoja,
- izvršava odluke Upravnog odbora,
- odlučuje o pravima, obavezama i odgovornostima radnika iz radnog odnosa,
- podnosi upravnom odboru izvještaj o finansijskom poslovanju,
- vrši druge poslove i zadatke u skladu sa zakonom i ovim Pravilima Ustanove

Član 36.

Po funkciji, pored ovlaštenja i obaveza iz prethodnog člana direktor je:

- naredbodavac za izvršenje finansijskog plana Ustanove,
- odgovoran Upravnom odboru za rezultate rada i finansijsko poslovanje Ustanove,
- dužan da obustavi od izvršenja opšti akt koji nije u saglasnosti sa ustavom odnosno zakonom, kao i pojedinačni akt kojim se nanosi šteta ustanovi ili društvenoj zajednici i da o tome obavijesti organ uprave koji vrši nadzor nad zakonitosti rada Ustanove

Član 37.

Za svoj rad direktor je neposredno odgovoran Upravnom odboru Ustanove.

Član 38.

Organ kontrole poslovanja Ustanove je Nadzorni odbor.

Član 39.

Nadzorni odbor broji 3 (tri) člana.

Jedan član Nadzornog odbora imenuje se iz reda stručnih radnika Ustanove.

Predsjednika i članove Nadzornog odbora imenuje i razrješava Općinski načelnik.

Članovi Nadzornog odbora imenuju se na period od 4 (četiri) godine sa mogućnošću još jednog imenovanja.

Član 40.

U djelokrugu nadležnosti Nadzorni odbor :

- analiza izvještaje o poslovanju Ustanove,
- obavlja nadzor nad upotrebom sredstava za rad, pregleda godišnji izvještaj o poslovanju i godišnji obračun,
- pregleda i provjera urednost i zakonitost vođenja poslovnih knjiga,
- izvještava osnivača, Upravni odbor i direktora Ustanove o rezultatima nadzora,
- obavljanje drugih poslova po nalogu Osnivača.

Član 41.

Predsjednik i članovi Upravnog i Nadzornog odbora mogu biti razriješeni i prije isteka mandata u slijedećim slučajevima:

- a) na lični zahtjev,
- b) ako nadležni organ uprave utvrdi da je odgovoran za nezakonit rad Ustanove, a u skladu sa članom 42. 43. i 44. Uredbe sa zakonskom snagom o ustanovama („Službeni list Republike Bosne i Hercegovine“, br.6/92, 8/93 i 13/94),
- c) ako članu Upravnog i nadzornog odbora, koji je imenovan iz reda stručnih zaposlenika prestane radni odnos,
- d) ako Općinsko Vijeće ne usvoji izvještaj o radu i finansijski izvještaj, zbog iskazanog negativnog poslovnog rezultata ili nezakonitog rada Ustanove,
- e) ako Općinsko vijeće izmijeni osnivački akt koji direktno utiče na njihov rad,
- f) ako se utvrdi da je Ustanova poslovala sa gubitkom u zadnje dvije godine
- g) u drugim slučajevima utvrđenim zakonom i ovim Pravilima ustanove.

Član 42.

Naknada za rad članova Upravnog i Nadzornog odbora Ustanove utvrdit će se posebnom odlukom Općinskog Vijeća.

POGLAVLJE VII. ODNOS IZMEDJU OSNIVAČA I USTANOVE

Član 43.

S obzirom da Odluka o osnivanju Javne ustanove Centar kulture i mladih Općine Centar Sarajevo, kao Javne ustanove u državnoj svojini ima karakter osnivačkog akta, ustanova se dužna pridržavati svih odredbi sadržanih u Odluci.

Član 44.

Međusobna prava i obaveze, između Osnivača i Ustanove, koja nisu regulisana Odlukom o osnivanju Javne ustanove Centar kulture i mladih Općine Centar, utvrdit će se posebnim ugovorom.

Član 45.

Svoje unutrašnje odnose Ustanova, pored ovih Pravila uređuje i sljedećim općim aktima:

- Pravilnikom o radu,
- Pravilnikom o organizaciji i sistematizaciji radnih mjesta,
- Pravilnikom o računovodstvu,
- Pravilnikom o računovodstvenim politikama,
- Pravilnikom o finansijskom poslovanju,
- Pravilnikom o zaštiti na radu,
- Pravilnikom o zaštiti od požara

Član 46.

Upravni odbor donosi Pravila Ustanove uz prethodnu saglasnost Općinskog načelnika u ime osnivača. Po prijedlogu direktora Upravni odbor donosi ostale opšte akte Ustanove iz prethodnog člana.

Član 47.

Javnost rada Ustanove se manifestuje kroz podnošenje redovnih i vanrednih izvještaja organima Ustanove i osnivaču, kao i kroz realizaciju utvrđenih plansko-programskih zadataka, o čemu se javnost informiše.

Član 48.

Poslovanje Ustanove je neposredno podložno kontroli nadležnih organa društvenog nadzora.

Član 49.

Samo uz saglasnost Osnivača, Ustanova može izvršiti promjenu naziva, sjedišta i djelatnosti. Ne mogu se vršiti statusne promjene spajanja, pripajanja, podjele, izdvajanja, bez prethodne konsultativne saradnje i saglasnosti Osnivača.

Član 50.

Ukoliko dođe do statusnih promjena Ustanove, odnosi između nje i Osnivača će se urediti posebnim ugovorom, kojim će se precizirati imovinska i druga prava i obaveze ugovorenih strana.

POGLAVLJE VIII. ZAVRŠNE ODREDBE

Član 51.

Ustanova preuzima obavezu da svoju organizaciju i poslovanje prilagodi aktima Osnivača i općim aktima iz člana 45. ovih Pravila.

Član 52.

Sve što nije regulisano ovim Pravilima, rješavat će se u skladu sa zakonskim odredbama, odnosno aktima i odlukama Osnivača.

Član 53.

Izmjene i dopune Pravila se vrše po postupku za njihovo donošenje.

Član 54.

Tumačenje odredbi Pravila vrši Upravi odbor Ustanove.

Član 55.

Stupanjem na snagu ovih Pravila, prestaju da važe Pravila br.194/14 od 28.08.2014.godine.

Član 56.

Ova Pravila stupaju na snagu nakon dobivene saglasnosti od strane Općinskog načelnika u ime osnivača i nakon toga će se objaviti na oglasnoj ploči Ustanove.

Saglasan:

OPĆINSKI NAČELNIK

Prof.dr. Nedžad Ajnadžić

Broj: 42/18

Sarajevo, 15.02.2018. godine



PREDSJEDNICA UPRAVNOG ODBORA

Mirjana Jovanović-Halilović
Mirjana Jovanović-Halilović

*Objavljeno na oglasnoj ploči
28.02.2018.god.*



JU CENTAR KULTURE I MLADIH OPĆINE CENTAR
SARAJEVO
Broj: 50/18
Datum, 28.02. 2018.

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA CENTAR SARAJEVO
Općinski načelnik

BROJ: 13-38-126/18
Sarajevo, 23.02.2018. godine

**JAVNA USTANOVA CENTAR KULTURE I
MLADIH OPĆINE CENTAR SARAJEVO**

71000 Sarajevo
Mis Irbina 8

Veza: Vaš dopis broj 41-3/18

Poštovani,

Upoznat sam sa Prijedlogom pravila JU Centar kulture i mladih Općine Centar Sarajevo koja je Upravni odbor usvojio na sjednici održanoj dana 15.02.2018.g.

U skladu sa članom 8. stav 2. Odluke o osnivanju JU Centar kulture i mladih Općine Centar Sarajevo („Službene novine Kantona Sarajevo“ broj:45/17, od 16.11.2017.godine) i članom 4. Odluke o izmjenama i dopunama odluke o osnivanju JU Centar kulture i mladih Općine Centar Sarajevo (broj:01-49-196/18 od 25.01.2018.godine) **obavještavam vas da sam saglasan** da se Pravila JU Centar kulture i mladih Općine Centar Sarajevo donesu u predloženom tekstu.

OPĆINSKI NAČELNIK

Prof.dr. Nedžad Ajnadžić



DOSTAVLJENO

1. Naslovu
2. Evidencija
3. Arhiva



JAVNA USTANOVA
Centar kulture i mladih
Općine Centar Sarajevo

Na osnovu člana 27. Zakona o Ustanovama („Službeni list RBiH“ broj: 6/92;8/93 i 13/94), na osnovu člana 8.stav 1.e, Odluke o osnivanju Javne ustanove Centar kulture i mladih Općine Centar (01-49-1707/17 od 13.07.2017.godine), Upravni odbor JU Centar kulture i mladih Općine Centar (u daljem tekstu: Ustanova) na sjednici održanoj 05.11.2018.godine, donosi:

DOPUNU **PRAVILA JU CENTAR KULTURE I MLADIH OPĆINE CENTAR SARAJEVO**

Član 1.

Član 33. se mjenja i sada glasi:

„Direktora Ustanove imenuje Upravni odbor na osnovu konkursa koji se objavljuje u javnim glasilima, uz prethodnu saglasnost Općinskog načelnika u ime osnivača, Direktor Ustanove imenuje se na period od 4 (četiri) godine, sa mogućnošću ponovnog izbora.

Lice koje nije dobilo saglasnost općinskog načelnika u ime osnivača za direktora, ne može na ponovnom konkursu biti imenovano za direktora, odnosno vršioca dužnosti direktora.

Ako se ne izvrši imenovanje direktora na osnovu konkursa, Upravni odbor će, bez konkursa, imenovati vršioca dužnosti iz reda stručnih radnika zaposlenih u Ustanovi, Vršilac dužnosti direktora može rukovoditi Ustanovom do imenovanja direktora, a najduže 6 (šest) mjeseci od dana njegovog imenovanja,

Vršilac dužnosti direktora ima sva prava i dužnosti direktora Ustanove

Uslovi za imenovanje direktora utvrđuju se Zakonom i ovim pravilima kako slijede:

Mis Irbina 8, 71 000 Sarajevo, BiH

+387 (0) 33 220 568

Organizaciona jedinica Jelićeva, Jelića 1

+387 (0) 33 232 594 | 232 595 | 237 245

ID 4200113270008

UniCredit Bank TRN 3389002208260397

centarzakulturu@bih.net.ba

www.centarkulture.ba



JAVNA USTANOVA
Centar kulture i mladih
Općine Centar Sarajevo

Opšti i posebni uslovi:

a) Opšti uslovi

- da je državljanin Bosne i Hercegovine ,
- da je stariji od 18 godina, ali ne stariji od 65 godina ,
- da je zdravstveno sposoban za obavljanje poslova na koje se kandiduje ,
- da nije otpušten iz državne službe kao rezultat disciplinske mjere na bilo kojem nivou vlasti u BiH u periodu od tri godine prije objavljivanja upražnjene pozicije ,
- da nije osuđivan za krivično djelo,
- da nije kažnjavan iz oblasti privrednog prestupa i da im nije izrečena zaštitna mjera zabrane vršenja poziva, djelatnosti ili dužnosti ,
- da se na njega ne odnosi član IX. 1. Ustava Bosne i Hercegovine ,
- da nije izabran zvaničnici, nosioci izvršnih funkcija ili savjetnici u smislu Zakona o sukobu interesa u institucijama Vlasti u Federaciji BiH („Službene novine Federacije BiH“ broj: 70/08).

b) Posebni uslovi:

- da ima VII stepen stručne spreme ili visoko obrazovanje prvog stepena Bolonjskog sistema studiranja koje se vrednuje sa 240 ECTS bodova iz oblasti društvenih nauka ili umjetničkog smjera,
- da ima najmanje tri godine iskustva na rukovodnim poslovima iz oblasti kulture,
- poznavanje rada na računaru,
- poznavanje jednog ili više stranih jezika,
- dugogodišnja prisutnost u kulturnim projektima,
- da predloži strategiju razvoja Ustanove za mandatski period,
- da ima ostvarene rezultate rada u prethodnom radnom angažmanu.“

Član 2.

Ova izmjena Pravila Ustanove počinje odmah sa primjenom.

Broj: 374/18
Sarajevo, 05.11.2018.godine



Predsjednica Upravnog odbora
Mirjana Jovanović- Halilović

Mirjana Jovanović- Halilović

Mis Irbina B, 71 000 Sarajevo, BiH
+387 (0) 33 220 568

Organizaciona jedinica Jelićeva, Jelića 1
+387 (0) 33 232 594 | 232 595 | 237 245

ID 4200113270008
UniCredit Bank TRN 3389002208260397
centarzakulturu@bih.net.ba
www.centarkulture.ba



Bosna i Hercegovina
Federacija Bosne i Hercegovine
Kanton Sarajevo - Grad Sarajevo
OPĆINA CENTAR SARAJEVO
Općinski načelnik

JU CENTAR KULTURE I MLADIH OPĆINE CENTAR
SARAJEVO

Broj: 371/18

Datum, 12. 11. 2018.

Broj: 09/C- 38-1402/18
Sarajevo, 14.11.2018. godine

**JU Centar kulture i mladih
Općine Centar Sarajevo**

Predmet: *Saglasnost*

Poštovani,

Upoznat sam sa Prijedlogom pravila o dopuni pravila JU Centar kulture i mladih Općine Centar koji je Upravni odbor usvojio na šestoj sjednici održanoj dana 05.11.2018.godine.

U skladu sa članom 8. stav 2. Odluke o osnivanju JU Centar kulture i mladih Općine Centar Sarajevo („Službene novine Kantona Sarajevo“ broj: 45/17 i 6/18) **obavještavam vas da sam saglasan** da se Pravila o dopuni pravila JU Centar kulture i mladih Općine Centar Sarajevo donesu u predloženom tekstu.

Općinski načelnik
Prof. dr. Nedžad Ajnadžić

DOSTAVITI:

1. JU Centar kulture i mladih Općine Centar, Mis Irbina 8
2. Služba za boračko-invalidsku, socijalnu zaštitu i društvene djelatnosti
3. Arhivi



JAVNA USTANOVA
Centar kulture i mladih
Općine Centar Sarajevo

Na osnovu člana 28. Pravila JU Centar kulture i mladih Općine Centar Sarajevo (broj: 42/18), a u skladu sa saglasnosti načelnika Općine Centar (broj: 09/OC -14-5912/19), na sjednici Upravnog odbora JU Centar kulture i mladih Općine Centar Sarajevo, održanoj 11.12.2019.godine, *donosi*:

DOPUNU
PRAVILA JU CENTAR KULTURE I MLADIH OPĆINE CENTAR SARAJEVO

Član 1.

U Pravilima JU Centar kulture i mladih Općine Centar Sarajevo (broj :42/18 od 15.02.2018.godine – u daljem tekstu : Pravila), član 28. dopunjuje se novim stavovima:

- e) Donosi izmjene i dopune plana finansijskog poslovanja Ustanove,
- f) Donosi Plan javnih nabavki Ustanove i Izmjene i dopune plana javnih nabavki Ustanove. dosadašnji stav *e)* postaje stav *g)* .

Član 2.

Ova dopuna Pravila stupa na snagu osmog dana od dana objavljivanja na oglasnoj ploči Ustanove.

Broj: 598/19

Datum, 11.12.2019.godine

Objavljeno na oglasnoj ploči:

11.12. 2019.godine



Predsjednica Upravnog odbora
Mirjana Jovanović- Halilović

Mirjana Jovanović- Halilović

Mis Irbina 8, 71 000 Sarajevo, BIH

+387 (0) 33 220 568

Organizaciona Jedinica Jelićeva, Jelića 1

+387 (0) 33 232 594 | 232 595 | 237 245

ID 4200113270008

UniCredit Bank TRN 3389002208260397

centarzakulturu@bih.net.ba

www.centarkulture.ba



Bosna i Hercegovina
Federacija Bosne i Hercegovine
Kanton Sarajevo - Grad Sarajevo
OPĆINA CENTAR SARAJEVO
Općinski načelnik

Broj: 09/C-14-5912/19
Sarajevo, 04.12.2019. godine

**JAVNA USTANOVA CENTAR KULTURE I MLADIH
OPĆINE CENTAR SARAJEVO**

n/r Direktora

Mis Irbina 8
71000 Sarajevo

Predmet: Saglasnost

Poštovani,

Upoznat sam sa vašom molbom broj: 563/19 od 26.11.2019. godine, a kojom tražite saglasnost za dopunu čl. 28. Pravila JU Centra kulture i mladih Općine Centar Sarajevo (broj:42/18, od 15.02.2018. godine) sa novim stavovima:

- a) Donosi izmjene i dopune plana finansijskog poslovanja JU CKM;
- b) Donosi Plan javnih nabavki JU CKM i Izmjene i dopune plana javnih nabavki JU CKM.

Imajući u vidu opravdanost zahtjeva Ustanove, saglasan sam da se čl. 28 Pravila JU CKM dopuni sa novim navedenim stavovima.



DOSTAVITI:

1. JU Centar kulture i mladih Općine Centar Sarajevo, Jelića 1
2. Služba za boračko-invalidsku, socijalnu zaštitu i društvene djelatnosti
3. Arhivi